

## Rampas ekstasi lebih RM500, 000

# Rampas ekstasi lebih RM500,000

Seorang lelaki dipercayai bertindak sebagai orang tengah ditahan bantu siasatan

NUR ALINA HASSAN

MUAR - Cubaan seorang pemuda yang baharu berjinak-jinak sebagai orang tengah memasarkan pil ekstasi gagal apabila dia dicekup polis dalam serbuan di sebuah rumah di Jalan Abdul Rahman, di sini, awal pagi kelmarin.

Suspek berusia 23 tahun itu ditahan di kediaman terbabit yang dipercayai digunakan sebagai transit untuk menjalankan aktiviti tersebut.

Ketua Polis Daerah Muar, Asisten Komisioner Zaharudin Rasip berkata, bertindak atas maklumat dan risikan, sepasukan polis dari Bahagian Siasatan Jenayah Narkotik, Ibu Pejabat Polis Daerah (IPD) Muar menyerbu kediaman suspek kira-kira jam 2 pagi, Isnin lalu.

Menurutnya, hasil pe-



Zaharudin (tengah) menunjukkan bungkus pil ekstasi yang dirampas dalam serbuan terbabit.

meriksaan yang dilakukan di dalam rumah terbabit kemudiannya menemui 17,698 pil ekstasi dalam 18 bungku-

san plastik membabitkan nilai keseluruhan RM530,940.

"Kami percaya kesemua barangan yang disimpan

dalam bungkus beg besar itu bertujuan untuk dihantar kepada seseorang berikutan suspek dipercayai hanya

**INFO**  
● Rampas 17,698 pil ekstasi dalam 18 bungkus

bertindak sebagai orang tengah.

"Bagaimanapun, ia masih dalam siasatan termasuk dari sumber mana pil terbabit diperoleh dan ke mana dadah itu akan dihantar. Namun, hasil laporan awal, suspek mengakui baru kali kedua menerima barangan tersebut," katanya dalam sidang media di IPD Muar di sini, semalam.

Zaharudin berkata, berkemungkinan besar barangan itu akan dihantar ke luar dari kawasan ini berikutan jumlah pil yang begitu banyak.

Katanya, siasatan awal juga mendapati suspek po-

sitif dadah namun tidak mempunyai sebarang rekod lampau.

"Suspek kini ditahan reman selama enam hari sehingga Ahad ini. Kes disiasat dibawah Seksyen 39B Akta Dadah Berbahaya (ADB) 1952 yang memperuntukkan hukuman gantung sampai mati sekiranya sabit kesalahan.

"Kes juga disiasat mengikut Seksyen 15 (1)(a) akta sama yang mana boleh didenda tidak lebih RM5,000 atau penjara tidak lebih dua tahun," katanya.

Zaharudin berkata, beliau percaya dengan kejayaan itu dapat menumpaskan sindiket pengedaran dan penagihan dadah di daerah ini.

"Ini merupakan rampasan terbesar membabitkan narkotik bagi tahun ini di daerah Muar," katanya.